

# ურთიერთგაგების მემორანდუმი

საქართველოს მთავრობა,

შპს „გოტა 21“,

სს „საქართველოს სახელმწიფო ელექტროსისტემა“,

სს გაერთიანებული ენერგეტიკული სისტემა „საქრუსენერგო“,

შპს „ენერგოტრანსი“

სს „ელექტროენერგეტიკული სისტემის კომერციულ ოპერატორი“

თარიღი: 14 ივლისი, 2015 წ.

თბილისი, საქართველო

წარმოდგენილი ურთიერთგაგების მემორანდუმი (შემდგომში „მემორანდუმი“) დადებულია შემდეგ მხარეებს შორის:

საქართველოს მთავრობა (შემდგომში „მთავრობა“), წარმოდგენილი საქართველოს ენერჯეტიკის მინისტრის კახა კალაძის მიერ;

შპს „გოტა 21“ (შემდგომში „კომპანია“), ს/კ: 401963791, წარმოდგენილი დირექტორის კობა ფეტვიაშვილის მიერ;

სს „საქართველოს სახელმწიფო ელექტროსისტემა“ (შემდგომში „სსე“), წარმოდგენილი რეაბილიტაციის მმართველის/მმართველთა საბჭოს თავმჯდომარის სულხან ზუმბურდიის მიერ;

სს გაერთიანებული ენერჯეტიკული სისტემა „საქრუსენერგო“ (შემდგომში „საქრუსენერგო“), წარმოდგენილი გენერალური დირექტორის რომეო მიქაუტაძის მიერ;

შპს „ენერგოტრანსი“ (შემდგომში „ენერგოტრანსი“) წარმოდგენილი დირექტორის კახა სეხნიაშვილის მიერ;

სს „ელექტროენერჯეტიკული სისტემის კომერციული ოპერატორი“ (შემდგომში „ესკო“), წარმოდგენილი გენერალური დირექტორის ვახტანგ ამბოკაძის მიერ;

დებენ წინამდებარე მემორანდუმს შემდეგზე:

#### განმარტებები

1. წინამდებარე მემორანდუმში გამოყენებულ ტერმინებს აქვს შემდეგი მნიშვნელობა:
  - 1.1. „ხელშეკრულება“ ნიშნავს მემორანდუმის დანართი N4-ით განსაზღვრულ დოკუმენტს.
  - 1.2. „სამშენებლო ფაზა“ ნიშნავს დროის პერიოდს ხელშეკრულების გაფორმებიდან ელექტროსადგურის ექსპლუატაციაში მიღებამდე, რა პერიოდშიც კომპანია ვალდებულია განახორციელოს სამშენებლო საქმიანობა, მაგრამ არაუმეტეს მემორანდუმის დანართი N3-ით განსაზღვრული სამშენებლო ფაზის ვადისა.
  - 1.3. „სამშენებლო გარანტია“ ნიშნავს სამშენებლო ფაზის ფარგლებში კომპანიის მიერ ნაკისრი ვალდებულებების შესრულების უზრუნველყოფის მიზნით მის მიერ საქართველოს მთავრობის სასარგებლოდ წარმოდგენილ საბანკო გარანტიას.
  - 1.4. „დღე/დღეები“ ნიშნავს კალენდარულ დღეებს.
  - 1.5. „ელექტროსადგური“ ნიშნავს ჰიდროელექტროსადგურს, რომელიც განმარტებულია მემორანდუმის დანართი N1-ით.
  - 1.6. „ელექტროენერჯის გარანტირებული შესყიდვის ხელშეკრულება“ ნიშნავს პირდაპირ ხელშეკრულებას, რომელიც მემორანდუმის შესაბამისად იდება კომპანიასა და „ესკო“-ს შორის.
  - 1.7. „საინვესტიციო ხარჯი“ ნიშნავს მემორანდუმის შეწყვეტამდე პროექტის განხორციელებისათვის გაწეულ ხარჯს.
  - 1.8. „სამინისტრო“ ნიშნავს საქართველოს ენერჯეტიკის სამინისტროს.
  - 1.9. „წინასამშენებლო ფაზა“ ნიშნავს დროის პერიოდს წინამდებარე მემორანდუმის ძალაში შესვლიდან სამშენებლო ფაზის დაწყებამდე, რა პერიოდშიც კომპანია ვალდებულია განახორციელოს წინასამშენებლო საქმიანობა, მაგრამ არაუმეტეს მემორანდუმის დანართი N3-ით განსაზღვრული წინასამშენებლო ფაზის ვადისა.
  - 1.10. „წინასამშენებლო გარანტია“ ნიშნავს წინასამშენებლო ფაზის ფარგლებში კომპანიის მიერ ნაკისრი ვალდებულებების შესრულების უზრუნველყოფის მიზნით წარმოდგენილ საბანკო გარანტიას.
  - 1.11. „მხარეები“ ნიშნავს მთავრობას, კომპანიას, „სსე“-ს, „საქრუსენერგო“-ს, „ენერგოტრანსს“ და „ესკო“-ს ერთობლივად.

- 1.12. „ძირითადი მხარეები“ ნიშნავს მთავრობასა და კომპანიას.
- 1.13. „პროექტი“ ნიშნავს ტექნიკურ-ეკონომიკური განხორციელებადობის კვლევის, გარემოზე ზემოქმედების შეფასების ანალიზის მომზადებას და ელექტროსადგურის მშენებლობას, ფლობასა და ოპერირებას.
- 1.14. „სახელმწიფო“ ნიშნავს საქართველოს.
- 1.15. „ელექტროსადგურის ტექნიკური პარამეტრები“ ნიშნავს ელექტროსადგურის ადგილმდებარეობას, მდინარის ნიშნულებს, დადგმულ სიმძლავრეს და წლიურ გამომუშავებას, როგორც მოცემულია მემორანდუმის დანართი N1-ში.
- 1.16. „ტექნიკურ-ეკონომიკური განხორციელებადობის კვლევა“ ნიშნავს კომპანიის მიერ მოსამზადებელ კვლევას/ანგარიშს, რომელიც უნდა შეიცავდეს მემორანდუმის დანართ N2-ით განსაზღვრულ დოკუმენტებს და რომელიც უნდა ადასტურებდეს პროექტის განხორციელების ტექნიკურ, ეკონომიკურ, ფინანსურ და იურიდიულ მიზანშეწონილობას.
- 1.17. „ელექტროგადამცემი ქსელი“ ნიშნავს ელექტროგადამცემ ხაზებსა და ქვესადგურებს (მათ შორის საქართველოს ტერიტორიაზე მდებარე „ახალციხე-ბორჩხა“-ს ელექტროგადამცემ ხაზსა და 500/400/220 კვ. ქვესადგურ „ახალციხეს“), რომლებიც საჭიროა ელექტროენერჯის თურქეთის საზღვრამდე გადაცემისათვის და რომელთაც ფლობს „სსე“, „ენერგოტრანსი“ ან/და „საქრუსენერგო“.
- 1.18. „მიიღე ან გადაიხადე პრინციპი“ გადაცემისა და დისპეტჩერიზაციის ხელშეკრულების შესაბამისად ნიშნავს პრინციპს, რომლის თანახმადაც:
- ა) „სსე“, „საქრუსენერგო“ და „ენერგოტრანსი“ კომპანიას უზრუნველყოფენ საჭირო დისპეტჩერიზაციის და გადაცემის მომსახურებით, ხოლო „ენერგოტრანსი“ დამატებით უზრუნველყოფს კომპანიას გამტარუნარიანობის საჭირო მოცულობით „ახალციხე-ბორჩხა“-ს ელექტროგადამცემი ხაზის მის კუთვნილ ნაწილზე ელექტროსადგურის მიერ გამომუშავებული ელექტროენერჯის თურქეთის საზღვრამდე გადაცემისათვის ელექტროსადგურის ექსპლუატაციაში მიღებიდან 10 (ათი) წლის განმავლობაში ექსპორტის მიზნით. იმ შემთხვევაში, თუ „სსე“, „საქრუსენერგო“ ან/და „ენერგოტრანსი“ საკუთარი ბრალით კომპანიას სრულად ვერ უზრუნველყოფენ ზემოაღნიშნული მომსახურებით, დამრღვევი მხარე ვალდებულია აუნაზღაუროს კომპანიას ამის შედეგად მიუღებელი შემოსავალი გადაცემისა და დისპეტჩერიზაციის ხელშეკრულებით განსაზღვრული პირობებითა და შემთხვევებში ; და
- ბ) კომპანია ვალდებულია „სსე“-ს, „საქრუსენერგოსა“ და „ენერგოტრანსის“ გადაუხადოს ზემოაღნიშნული მომსახურებისათვის განსაზღვრული თანხა, იმ შემთხვევაშიც, თუ კომპანია გამოიყენებს ნაკლები მოცულობის მომსახურებას, გარდა გადაცემისა და დისპეტჩერიზაციის ხელშეკრულებით გათვალისწინებული გამოწვევებისა.
- 1.19. „გადაცემისა და დისპეტჩერიზაციის ხელშეკრულება“ ნიშნავს ექსპორტის მიზნით ელექტროსადგურის მიერ გამომუშავებული ელექტროენერჯის ელექტროგადამცემი ქსელის საშუალებით გადაცემის უზრუნველყოფისათვის კომპანიას, „სსე“-ს, „საქრუსენერგო“-სა და „ენერგოტრანსის“ შორის დადებულ ხელშეკრულებას.

#### მიზანი

2. მემორანდუმის მიზანს წარმოადგენს კომპანიის მიერ, საკუთარი სახსრებით, მშენებლობა, ფლობა, ოპერირების პრინციპის საფუძველზე პროექტის განხორციელება

საქართველოს კანონმდებლობისა და ამ მემორანდუმით განსაზღვრული პირობების შესაბამისად.

### წინასაშენებლო ფაზა

3. კომპანია წინასაშენებლო ფაზის განმავლობაში მემორანდუმის დანართ N1, N2 და N3-ში განსაზღვრული ვადებისა და პირობების შესაბამისად ვალდებულია:
  - 3.1. განსაზღვროს პროექტისათვის საჭირო ან/და მისი ზემოქმედების ქვეშ მოქცეული მიწის ნაკვეთები და მათი ადგილმდებარეობა;
  - 3.2. ჩაატაროს და დაასრულოს სრული ტექნიკურ-ეკონომიკური განხორციელებადობის კვლევა მემორანდუმის დანართი N2-ით განსაზღვრულ ვადებში (მემორანდუმით განსაზღვრული ელექტროსადგურის ტექნიკური პარამეტრების ფარგლებში), და წარუდგინოს ის სამინისტროს;
  - 3.3. დაასრულოს გარემოზე ზემოქმედების შეფასების ანგარიში და წარუდგინოს ის საქართველოს გარემოსა და ბუნებრივი რესურსების დაცვის სამინისტროს და სამინისტროს;
  - 3.4. ჩაატაროს საჯარო განხილვები და წარუდგინოს შედეგები საქართველოს გარემოსა და ბუნებრივი რესურსების დაცვის სამინისტროს და სამინისტროს
  - 3.5. სამინისტროს წარუდგინოს მთავრობისთვის წარსადგენი წინადადება ელექტროსადგურის მშენებლობის თაობაზე მემორანდუმით განსაზღვრული ელექტროსადგურის ტექნიკური პარამეტრების ფარგლებში.
4. იმ შემთხვევაში, თუ კომპანია მემორანდუმის მე-3 მუხლის 3.1-3.5 ქვეპუნქტებით განსაზღვრული ვალდებულებების შესრულების შედეგად გადაწყვეტს ელექტროსადგურის მშენებლობას, მან მთავრობას უნდა წარუდგინოს წინადადება დანართი N2-ით განსაზღვრულ ვადაში, რომელიც უნდა შეიცავდეს შემდეგს:
  - 4.1. კომპანიის გადაწყვეტილებას შესაბამისი ელექტროსადგურის მშენებლობაზე;
  - 4.2. სრულ ტექნიკურ პარამეტრებს, ელექტროსადგურის დადგმული სიმძლავრისა და წლიური გამომუშავების ჩათვლით;
  - 4.3. ელექტროსადგურის განლაგების ზუსტ კოორდინატებს და მდინარის ნიშნულებს;
  - 4.4. პროექტის განხორციელებისათვის საჭირო ინვესტიციის სავარაუდო ოდენობას;
  - 4.5. სრულ ტექნიკურ-ეკონომიკური განხორციელებადობის კვლევას;
  - 4.6. გარემოზე ზემოქმედების შეფასების ანგარიშს (საჯარო განხილვების შედეგებით).
5. თუ ტექნიკურ-ეკონომიკური განხორციელებადობის კვლევის შედეგების ან/და გარემოზე ზემოქმედების შეფასების ანგარიშის საფუძველზე აღმოჩნდება, რომ ელექტროსადგურის მშენებლობა და ოპერირება კომპანიისათვის ტექნიკურად ან/და ეკონომიკურად არ არის მიზანშეწონილი, კომპანია საკუთარი შეხედულებისამებრ მიიღებს გადაწყვეტილებას პროექტის განხორციელების თაობაზე და შესაბამის შეტყობინებას წარუდგენს მთავრობას, მისთვის მემორანდუმის მე-4 მუხლით გათვალისწინებული შეთავაზების წარდგენამდე.
6. კომპანიის მიერ წინადადების წარდგენიდან არაუგვიანეს 3 თვეში მთავრობამ უნდა განიხილოს და მიიღოს გადაწყვეტილება ელექტროსადგურის მშენებლობასთან დაკავშირებით. აღნიშნული გადაწყვეტილება უნდა ეყრდნობოდეს მხოლოდ გარემოზე ზემოქმედების შეფასების ანგარიშის ან/და საჯარო განხილვების შედეგებს. თუ მთავრობის გადაწყვეტილება დადებითია, ძირითადი მხარეები მთავრობის მიერ გადაწყვეტილების მიღებიდან 1 თვის ვადაში ხელს აწერენ ხელშეკრულებას. უარყოფითი გადაწყვეტილების შემთხვევაში, მთავრობამ კომპანიას უნდა დაუბრუნოს დარჩენილი წინასაშენებლო გარანტია 30 დღის განმავლობაში.
7. წინასაშენებლო გარანტია

- 7.1. წინასაშენებლო ფაზის ფარგლებში კომპანიის ვალდებულებების, მათ შორის ტექნიკურ-ეკონომიკური განხორციელებადობის კვლევისა და გარემოზე ზემოქმედების შეფასების ანგარიშის, შესრულების უზრუნველყოფის მიზნით კომპანიამ მთავრობას უნდა წარუდგინოს საბანკო გარანტია 70 000 (სამოცდაათი ათასი) აშშ დოლარის ოდენობით. კომპანიის მიერ წარმოდგენილი წინასაშენებლო გარანტიის მოქმედების ვადა სამშენებლო ფაზის დაწყების თარიღს 2 თვით უნდა აღემატებოდეს.
- 7.2. მთავრობა უფლებამოსილია წინასაშენებლო გარანტიით გათვალისწინებული თანხა გამოითხოვოს სრულად ან ნაწილობრივ შემდეგ შემთხვევებში, თუ:
  - ა) კომპანიამ დაარღვია მემორანდუმის დანართი N2-ით განსაზღვრული გრაფიკი ჯამში 15 დღეზე მეტი ვადით - წინასაშენებლო გარანტიის 50%-ის ოდენობით;
  - ბ) კომპანიამ დაარღვია მემორანდუმის დანართი N2-ით განსაზღვრული გრაფიკი ჯამში 30 დღეზე მეტი ვადით - წინასაშენებლო გარანტიის სრული ოდენობით;

#### სამშენებლო ფაზა

8. კომპანია სამშენებლო ფაზის განმავლობაში ვალდებულია:
  - 8.1. მოიპოვოს პროექტის განხორციელებისათვის საჭირო ან/და პროექტის არეალში მოქცეულ მიწის ნაკვეთებზე შესაბამისი უფლებები;
  - 8.2. დაიწყოს ელექტროსადგურის მშენებლობა მშენებლობის ნებართვის საფუძველზე საქართველოს კანონმდებლობის შესაბამისად მემორანდუმის დანართი N3-ით განსაზღვრულ ვადაში;
  - 8.3. ააშენოს ელექტროსადგური მემორანდუმით განსაზღვრული ელექტროსადგურის ტექნიკური პარამეტრების ფარგლებში და უზრუნველყოს მისი გადამცემ ქსელთან მიერთების ხარჯების დაფარვა და ექსპლუატაციაში მიღება მემორანდუმის დანართი N3-ით განსაზღვრულ ვადაში, საქართველოს კანონმდებლობით განსაზღვრული მოთხოვნების შესაბამისად;
  - 8.4. უზრუნველყოს პროექტის ეფექტური განხორციელებისათვის საჭირო ფულადი სახსრების მოზიდვა;
  - 8.5. უზრუნველყოს მშენებლობა საქართველოს კანონმდებლობით განსაზღვრული უსაფრთხოების, გარემოს დაცვის და სხვა სტანდარტების შესაბამისად;
  - 8.6. კომპანია ვალდებულია სამშენებლო პროცესის მონიტორინგის მიზნით საკუთარი ხარჯებით უზრუნველყოს საქართველოს მთავრობის, სამინისტროს, საქართველოს გარემოსა და ბუნებრივი რესურსების დაცვის სამინისტროს ან/და სხვა ნებისმიერი უფლებამოსილი სახელმწიფო დაწესებულების სრული და თავისუფალი წვდომა პროექტის განხორციელების არეალზე;
  - 8.7. მოთხოვნის შემთხვევაში, კომპანია ვალდებულია საკუთარი ხარჯებით უზრუნველყოს სამშენებლო მასალების ხარისხის და მშენებლობის უსაფრთხოების მონიტორინგი.
9. სამშენებლო გარანტია
  - 9.1. სამშენებლო ფაზის უზრუნველყოფის მიზნით, კერძოდ, მემორანდუმის დანართი N3-ით განსაზღვრული მშენებლობის ნებართვის საფუძველზე ელექტროსადგურის მშენებლობის დაწყების და ექსპლუატაციაში მიღების უზრუნველსაყოფად, ხელშეკრულების ხელმოწერის დღეს კომპანიამ მთავრობის სასარგებლოდ უნდა წარმოადგინოს სამშენებლო გარანტია ასაშენებელი ელექტროსადგურის დადგმული სიმძლავრის მიხედვით, 100 მეგავატი სიმძლავრის ჩათვლით - ყოველი მეგავატისათვის 100 000 (ასი ათასი), ხოლო 100 მეგავატზე მეტი სიმძლავრის შემთხვევაში - ყოველი მეგავატისათვის 50 000 (ორმოცდაათი ათასი) აშშ დოლარის ან მისი ეკვივალენტის ევროში ოდენობით.

კომპანიის მიერ წარმოდგენილი სამშენებლო გარანტია ძალაში რჩება მემორანდუმის დანართი N3-ით განსაზღვრული ელექტროსადგურის ექსპლუატაციაში მიღების დღიდან 5 თვის განმავლობაში. კომპანიის მიერ წარმოდგენილი სამშენებლო გარანტია უნდა იყოს გაცემული სახელმწიფოს მიერ ლიცენზირებული ბანკის ან „ეკონომიკური თანამშრომლობისა და განვითარების ორგანიზაციის“ (OECD) წევრი ქვეყნის ბანკის მიერ. კომპანიას უბრუნდება დარჩენილი წინასამშენებლო გარანტია, მის მიერ სამშენებლო გარანტიის წარდგენიდან 30 (ოცდაათი) დღის განმავლობაში.

- 9.2. კომპანიის მიერ მემორანდუმის დანართი N3-ით განსაზღვრული მშენებლობის ნებართვის საფუძველზე მშენებლობის დაწყების ვადის დარღვევა გამოიწვევს კომპანიის დაჯარიმებას ყოველი ვადაგადაცილებული დღისათვის მთლიანი სამშენებლო გარანტიის 1.5%-ის ოდენობით. ამასთან, კომპანიამ დაკისრებული ჯარიმა უნდა გადაიხადოს სამინისტროსგან მოთხოვნის მიღებიდან 15 დღის განმავლობაში. კომპანიის მიერ დაკისრებული ჯარიმის გადახდის შემთხვევაში სამშენებლო გარანტია შემცირდება გადახდილი ჯარიმის ოდენობით.
- 9.3. კომპანიის მიერ მემორანდუმის დანართი N3-ით განსაზღვრული ელექტროსადგურის ექსპლუატაციაში მიღების ვადის დარღვევა გამოიწვევს კომპანიის დაჯარიმებას მთლიანი სამშენებლო გარანტიის 1.5%-ის ოდენობით ყოველი ვადაგადაცილებული დღისათვის. ამასთან, კომპანიამ დაკისრებული ჯარიმა უნდა გადაიხადოს სამინისტროსგან მოთხოვნის მიღებიდან 15 დღის განმავლობაში. კომპანიის მიერ დაკისრებული ჯარიმის გადახდის შემთხვევაში სამშენებლო გარანტია შემცირდება გადახდილი ჯარიმის ოდენობით.
- 9.4. მთავრობა უფლებამოსილია სამშენებლო გარანტიით გათვალისწინებული თანხა გამოითხოვოს სრულად ან ნაწილობრივ შემდეგ შემთხვევებში:
  - ა) კომპანია მემორანდუმის 9.2 და 9.3 მუხლების შესაბამისად დაკისრებული ჯარიმის გადახდაზე უარს აცხადებს - გადაუხდელი ჯარიმის ოდენობით.
  - ბ) მთავრობა მე-15 მუხლის შესაბამისად წყვეტს მემორანდუმს - სამშენებლო გარანტიის სრული მოცულობით.

#### ზოგადი დებულებები

10. ელექტროსადგურის ექსპლუატაციაში მიღებიდან ათი წლის განმავლობაში („საწყისი ექსპლუატაციის პერიოდი“), ყოველი წლის შემდეგი თვეების განმავლობაში: იანვარი, თებერვალი, მარტი, აპრილი, სექტემბერი, ოქტომბერი, ნოემბერი, დეკემბერი - ელექტროსადგურის ფაქტობრივი გამომუშავების რეალიზაცია სრულად უნდა განხორციელდეს ქვეყნის შიდა ბაზარზე, მათ შორის ზამთრის თვეებში (იანვარი, თებერვალი, ნოემბერი და დეკემბერი („ზამთრის თვეები“)) ელექტროსადგურის ფაქტობრივი წლიური გამომუშავების 20 (ოცი)%-ის რეალიზაცია უნდა განხორციელდეს ექსკლუზიურად „ესკო“-ზე. ელექტროსადგურის მიერ გამოსამუშავებელი ელექტროენერჯის წლიური საპროგნოზო რაოდენობა აისახება შესაბამისი წლის ელექტროენერჯის (სიმძლავრის) ბალანსში ან სხვა ანალოგიური ხასიათის დოკუმენტში საქართველოს კანონმდებლობის შესაბამისად. თუ ელექტროსადგურის მიერ გამომუშავებული ელექტროენერჯია საწყისი ექსპლუატაციის პერიოდის ყოველი წლის ზამთრის პირველ თვეებში ელექტროენერჯის წლიური საპროგნოზო რაოდენობის 20 (ოცი)%-ზე ნაკლებია, მაშინ სხვაობა ფაქტობრივ გამომუშავებასა და ელექტროენერჯის წლიურ საპროგნოზო რაოდენობის 20 (ოცი)%-ს შორის მიეწოდება „ესკო“-ს ზამთრის შემდგომ თვე(ებ)ში ან სხვა თვეებში, რომელსაც განსაზღვრავს „ესკო“. სხვაობა ელექტროსადგურის ფაქტობრივი წლიური გამომუშავების 20 (ოცი)%-სა და ელექტროსადგურის მიერ

გამომუშავებული ელექტროენერჯის წლიური საპროგნოზო რაოდენობის 20 (ოცი)%-ს შორის (ასეთის არსებობის შემთხვევაში) უნდა იქნეს გათვალისწინებული მომდევნო წელს.

11. მემორანდუმის მე-10 მუხლის მიზნებისათვის, საწყისი ექსპლუატაციის პერიოდის ზამთრის თვეებში, კომპანია „ესკო“-სთან გაფორმებული ელექტროენერჯის გარანტირებული შესყიდვის ხელშეკრულების შესაბამისად ელექტროენერჯის რეალიზაციას განახორციელებს მიერთების წერტილში ტარიფით 4.9 (ოთხი მთელი ცხრა მეთაი) აშშ ცენტი 1 კვტ/სთ. მემორანდუმის მე-10 მუხლში აღნიშნული თვეების გარდა, წლის დანარჩენ პერიოდში (მაისი, ივნისი, ივლისი, აგვისტო), კომპანია უფლებამოსილია მისი შეხედულებისამებრ მოახდინოს გამომუშავებული ელექტროენერჯის რეალიზაცია და განახორციელოს ექსპორტი საქართველოს კანონმდებლობის შესაბამისად.

#### მხარეთა ვალდებულებები

12. პროექტის განხორციელების მიზნით, წინამდებარე მემორანდუმის და საქართველოს კანონმდებლობის შესაბამისად, კომპანია ვალდებულია:
  - 12.1. უზრუნველყოს პროექტის განხორციელება;
  - 12.2. შეინარჩუნოს ელექტროსადგურის ელექტროსადგურის ტექნიკური პარამეტრების ფარგლებში;
  - 12.3. უზრუნველყოს, რომ პროექტის განხორციელების პერიოდში, პროექტზე დასაქმებულთა სულ ცოტა 80% (მენეჯმენტის და ექსპერტების გარდა) იყოს საქართველოს მოქალაქე.
13. პროექტის განხორციელების მიზნით, წინამდებარე მემორანდუმის და საქართველოს კანონმდებლობის შესაბამისად, მთავრობა თავისი კომპეტენციის ფარგლებში ვალდებულია:
  - 13.1. მაქსიმალურად დაეხმაროს კომპანიას პროექტის განხორციელების პროცესში, მათ შორის შესაბამისი დახმარება გაუწიოს საჭირო ნებართვებისა და ლიცენზიების გაცემასთან დაკავშირებით, იმ პირობით, რომ კომპანია სრულად დააკმაყოფილებს საქართველოს კანონმდებლობით გათვალისწინებულ მოთხოვნებს;
  - 13.2. უზრუნველყოს პროექტის განხორციელებისთვის საჭირო სახელმწიფო საკუთრებაში არსებული მიწის ნაკვეთების კომპანიისათვის საქართველოს კანონმდებლობის შესაბამისად გადაცემა, იმ პირობით, რომ კომპანია სრულად დააკმაყოფილებს საქართველოს კანონმდებლობით გათვალისწინებულ მოთხოვნებს;
14. ელექტროსადგურის მიერ გამომუშავებული ელექტროენერჯის ექსპორტის მიზნით „სსე“, „საქრუსენერგო“ და „ენერგოტრანსი“ კომპანიას უზრუნველყოფენ საჭირო დისპეტჩერიზაციის და გადაცემის მომსახურებით, ხოლო „ენერგოტრანსი“ დამატებით უზრუნველყოფს კომპანიას გამტარუნარიანობის საჭირო მოცულობით „ახალციხე-ბორჯხა“-ს ელექტროგადამცემი ხაზის მის კუთვნილ ნაწილზე ელექტროსადგურის მიერ გამომუშავებული ელექტროენერჯის თურქეთის საზღვრამდე გადაცემისათვის ელექტროსადგურის ექსპლუატაციაში მიღებიდან 10 (ათი) წლის განმავლობაში მემორანდუმის მე-11 მუხლით გათვალისწინებული ექსპორტისთვის განკუთვნილი პერიოდის განმავლობაში, „მიიღე ან გადაიხადე პრინციპის“ საფუძველზე გაფორმებული გადაცემისა და დისპეტჩერიზაციის ხელშეკრულების შესაბამისად.

#### მემორანდუმის გაუქმება



15. მთავრობა უფლებამოსილია ცალმხრივად, კომპანიისათვის გაგზავნილი შეტყობინების საფუძველზე შეწყვიტოს მემორანდუმი შემდეგ შემთხვევებში, თუ:
  - 15.1. კომპანია დაარღვევს დანართი N2-ით გათვალისწინებულ გრაფიკს და ეს დარღვევა გაგრძელდება ჯამში 30 დღეზე მეტი ვადით;
  - 15.2. 9.2 ან/და 9.3 პუნქტებით გათვალისწინებული ჯარიმის ოდენობა მიაღწევს თავდაპირველად წარმოდგენილი სამშენებლო გარანტიის ოდენობის 50%-ს ან მეტს;
  - 15.3. ფორს-მაჟორი გრძელდება 120 დღეზე მეტი ვადით;
  - 15.4. მთავრობის მიერ მემორანდუმის მე-6 მუხლის შესაბამისად დადებითი გადაწყვეტილების მიღების მიუხედავად, ამავე მუხლით დადგენილ ვადაში ხელი არ მოეწერა ხელშეკრულებას;
16. მთავრობის მიერ ამ მემორანდუმის მე-15 მუხლის შესაბამისად მემორანდუმის შეწყვეტა გამოიწვევს შემდეგს:
  - 16.1. სახელმწიფოს უსასყიდლოდ გადაეცემა უფლებები (მათ შორის საკუთრების უფლება) პროექტის განხორციელებისთვის საჭირო ან მისი ზემოქმედების ქვეშ მოქცეულ მიწის ნაკვეთებზე, რომლებიც გადაცემის მომენტისათვის უნდა იყოს უფლებრივად უნაკლო;
  - 16.2. კომპანიას ჩამოერთმევა პროექტის განხორციელების უფლება;
  - 16.3. კომპანიის ხელთ არსებულ ტექნიკურ-ეკონომიკური განხორციელებადობის კვლევასა და გარემოზე ზემოქმედების შეფასების ანგარიშზე, ისევე როგორც პროექტთან დაკავშირებულ ნებისმიერ დოკუმენტსა და ნახაზზე (მათ შორის კომპანიის მიერ შემუშავებულ დოკუმენტებზე) ექსკლუზიური საკუთრების უფლება უსასყიდლოდ გადაეცემა მთავრობას.
17. კომპანია უფლებამოსილია ცალმხრივად, მთავრობისთვის გაგზავნილი შეტყობინების საფუძველზე შეწყვიტოს მემორანდუმი შემდეგ შემთხვევებში, თუ:
  - 17.1. მთავრობა ვერ ასრულებს მემორანდუმის მე-13 მუხლით ნაკისრ ვალდებულებებს. აღნიშნულის თაობაზე მთავრობას უნდა გაეგზავნოს შეტყობინება ასეთი სახის შეწყვეტამდე 90 დღით ადრე;
  - 17.2. კომპანია იყენებს ამ მემორანდუმის მე-5 მუხლით გათვალისწინებულ უფლებას. აღნიშნულის თაობაზე მთავრობას უნდა გაეგზავნოს შეტყობინება ასეთი სახის შეწყვეტამდე 30 დღით ადრე;
  - 17.3. ფორს-მაჟორი გრძელდება 120 დღეზე მეტი ვადით.
18. კომპანიის მიერ ამ მემორანდუმის მე-17 მუხლის შესაბამისად მემორანდუმის შეწყვეტა გამოიწვევს შემდეგს:
  - 18.1. სახელმწიფოს უსასყიდლოდ გადაეცემა უფლებები (მათ შორის საკუთრების უფლება) პროექტის განხორციელებისთვის საჭირო ან მისი ზემოქმედების ქვეშ მოქცეულ მიწის ნაკვეთებზე, რომლებიც გადაცემის მომენტისათვის უნდა იყოს უფლებრივად უნაკლო;
  - 18.2. კომპანიას ჩამოერთმევა პროექტის განხორციელების უფლება;
  - 18.3. კომპანიის ხელთ არსებულ ტექნიკურ-ეკონომიკური განხორციელებადობის კვლევასა და გარემოზე ზემოქმედების შეფასების ანგარიშზე, ისევე როგორც პროექტთან დაკავშირებულ ნებისმიერ დოკუმენტსა და ნახაზზე (მათ შორის კომპანიის მიერ შემუშავებულ დოკუმენტებზე) ექსკლუზიური საკუთრების უფლება უსასყიდლოდ გადაეცემა მთავრობას;
  - 18.4. კომპანია უფლებამოსილია მოითხოვოს და მიიღოს აუდიტირებული და დოკუმენტირებული საინვესტიციო ხარჯი.
19. მთავრობის ან კომპანიის მიერ ამ მემორანდუმის შეწყვეტა იწვევს მემორანდუმის ყველა მხარისათვის შეწყვეტას და შესაბამისად, ელექტროენერჯის გარანტირებული



შესყიდვის ხელშეკრულებისა და გადაცემისა და დისპეტერიზაციის ხელშეკრულების შეწყვეტას.

#### მემორანდუმის ცვლილება

#### 20. ცვლილებები

- 20.1. წინამდებარე მემორანდუმის ცალკეული დებულება შეიძლება შეიცვალოს მხარეთა წერილობითი შეთანხმების საფუძველზე;
- 20.2. იმ შემთხვევაში, თუ ტექნიკურ-ეკონომიკური განხორციელებადობის კვლევისა და გარემოზე ზემოქმედების შეფასების ანგარიშის მომზადების შემდეგ შეიცვალა ელექტროსადგურის ტექნიკური პარამეტრები, კომპანიის მოთხოვნის საფუძველზე მთავრობა განიხილავს მემორანდუმში ცვლილებების შეტანის საკისს;
- 20.3. თუ მემორანდუმის ნებისმიერი დებულება გახდება ბათილი ან ძალადაკარგული, ეს არ იქონიებს გავლენას მემორანდუმის სხვა დებულებებზე.

#### მარეგულირებელი კანონმდებლობა და დავების მოგვარება

21. წინამდებარე მემორანდუმი რეგულირდება საქართველოს კანონმდებლობით.
22. ნებისმიერი დავა, რომელიც შვიდობიანი გზით ვერ მოგვარდება მხარეებს შორის, საქართველოს კანონმდებლობის შესაბამისად წარედგინება საქართველოს საერთო სასამართლოებს.

#### ფორს-მაჟორი

23. ფორს-მაჟორი ნიშნავს ნებისმიერ მოვლენას, რომელიც მხარეების გონივრული კონტროლის მიღმაა და მისი წარმოქმნის წინასწარ განჭვრეტა შეუძლებელი იყო მემორანდუმის დადების მომენტისათვის, მათ შორის: ომი, სამოქალაქო ომი, ინტერვენცია, შეიარაღებული კონფლიქტი, ტერორისტული აქტი, რადიაცია, ბიოლოგიური ან ქიმიური დაბინძურება, აფეთქება, ხანძარი, ეპიდემია, ციკლონი, მეწყერი, მეხი, მიწისძვრა, წყალდიდობა, ვულკანის ამოფრქვევა, სხვა სტიქიური უბედურება ან ნებისმიერი მსგავსი მოვლენა.
24. თუ რომელიმე მხარე მოექცევა წინა მუხლში აღნიშნულ ფორს-მაჟორულ გარემოებებში, მან დაუყოვნებლივ უნდა მიაწოდოს მეორე მხარეს ამის შესახებ წერილობითი შეტყობინება. ამავე მხარემ უნდა წარუდგინოს მეორე მხარეს დეტალური ანგარიში, რომელიც შეიცავს ფორს-მაჟორის მიზეზებსა და შედეგებს.
25. თუ ფორს-მაჟორი ხელს შეუშლის ნებისმიერი მხარის მემორანდუმით გათვალისწინებული რომელიმე ვალდებულების ან მისი ნაწილის ჯეროვნად შესრულებას, იმ მხარეს, რომელიც ფორს-მაჟორზე მიუთითებს, ვალდებულებების შეუსრულებლობა ჩაეთვლება საპატიოდ ამ მოვლენის ზემოქმედების პროპორციულად და მეორე მხარეს არ იქნება უფლება შეწყვიტოს მემორანდუმი, თუ ამავე მემორანდუმით სხვა რამ არ არის გათვალისწინებული.

#### დამატებითი დებულებები

26. წინამდებარე მემორანდუმი ძალაში შედის მისი ხელმოწერის დღეს და ძალაშია მხარეთა მიერ ურთიერთვალდებულებების ამოწურვამდე.
27. წინამდებარე მემორანდუმი შედგენილია ქართულ ენაზე ექვს თანაბარი იურიდიული ძალის მქონე ეგზემპლარად.

ხელმოწერები

საქართველოს მთავრობა


კახა კალაძე

შპს „გოტა 21“

კობა ფეტვიანიშვილი

სს „საქართველოს სახელმწიფო ელექტროსისტემა“

სულხან ზუმბურდიძე



სს გაერთიანებული ენერგეტიკული სისტემა „საქრუსენერგო“

რომეო ძივსუტაძე

შპს „ენერგოტრანსი“

კახა სეხნიაშვილი

სს „ელექტროენერგეტიკული სისტემის კომერციული ოპერატორი“

ვახტანგ ამბოკაძე

დანართი N1

დასახელება	ადგილმდებარეობა	მდინარის ნიშნულები მეტრი ზღვის დონიდან		წლიური გამომუშავება	სიმძლავრე
სტორი 1	საქართველო, კახეთი, თელავის მუნიციპალიტეტი, მდინარე სტორი	1105	750	69.37 მლნ. კვტ.სთ.	14 მგვტ

დანართი N2

დასახელება	თვეების რაოდენობა მემორანდუმის ხელმოწერის თარიღიდან		
	3	6	9
სტორი 1 ჰესი			
ადგილმდებარეობისა და ძირითადი პარამეტრების განმარტებები	*		
ტოპოგრაფიული კვლევა და რუკების მომზადება	*	*	
გეოლოგია, გეოფიზიკა	*	*	
სეისმური რისკის ანალიზი	*	*	
სამშენებლო მასალების კვლევა		*	
მეტეოროლოგიური და ჰიდროლოგიური კვლევები	*		
ჰიდრაულიკური კვლევები		*	
ალტერნატიული ანალიზი	*	*	
ტექნიკური დიზაინი		*	*
ინფრასტრუქტურა			*
ელექტროენერჯის გენერაცია და გამოყენება		*	*
ქსელთან მიერთება და გადამცემი ხაზი			*
ეკოლოგია		*	*
სამუშაოების მოცულობის უწყისი			*
მშენებლობის ორგანიზირება			*
ეკონომიკური ანალიზი		*	*
ფინანსური ანალიზი		*	*
შესყიდვების დაგეგმვა და განხორციელების გეგმა		*	*
სამუშაო ძალის დატრენინგების გრაფიკი		*	*
ტექნიკურ-ეკონომიკური განხორციელებადობის კვლევის წარდგენა		*	*
გარემოზე ზემოქმედების და სოციალური რისკების შეფასების ანგარიშის მომზადება და წარდგენა		*	*
საჯარო განხილვის ჩატარება და შედეგების წარდგენა		*	
პროექტის განხორციელებისათვის საჭირო მიწის ნაკვეთების ადგილმდებარეობის დადგენა და განსაზღვრა			*
პროექტის განხორციელების თაობაზე მთავრობისათვის წინადადების წარდგენა			*

დანართი N3

წინასამშენებლო ფაზა		სამშენებლო ფაზა		
დასაწყისი	დასასრული	დასაწყისი		დასასრული
მემორანდუმის ხელმოწერის თარიღი	ხელშეკრულების ხელმოწერის თარიღი	ხელშეკრულების ხელმოწერის თარიღი	მშენებლობის ნებართვის საფუძველზე მშენებლობის დაწყების თარიღი - 6 თვე შეთანხმების ხელმოწერიდან	ექსპლუატაციაში მიღება
13 თვე მემორანდუმის ხელმოწერიდან (აქედან 9 თვე დანართი N2-ით გათვალისწინებულ კვლევაზე)		30 თვე ხელშეკრულების ხელმოწერიდან		

დანართი N4

## ხელშეკრულება

ქ. თბილისი \_\_\_\_\_

საქართველოს მთავრობა (შემდგომში: „მთავრობა“) წარმოდგენილი საქართველოს ენერჯეტიკის მინისტრის კახა კალაძის მიერ, და

„კომპანია“ (შემდგომში: „კომპანია“) ს/კ: \_\_\_\_\_, წარმოდგენილი მისი დირექტორის \_\_\_\_\_ (პ/ნ \_\_\_\_\_) მიერ,

ვინაიდან ძირითადად მხარეებმა, მემორანდუმის შესაბამისად კომპანიის მიერ მომზადებული და წარდგენილი ტექნიკურ-ეკონომიკური განხორციელებადობის ანალიზის, ბუნებრივ და სოციალურ გარემოზე ზემოქმედების შეფასებისა და საჯარო განხილვის შედეგების საფუძველზე მიიღეს ერთობლივი გადაწყვეტილება მემორანდუმის დანართი N1-ით გათვალისწინებული ელექტროსადგურის მშენებლობის თაობაზე;

ვინაიდან კომპანიამ მემორანდუმის 9.1 მუხლის საფუძველზე მთავრობის სასარგებლოს წარმოადგინა საბანკო გარანტია;

აქედან გამომდინარე ძირითადი მხარეები დებენ წინამდებარე ხელშეკრულებას მშენებლობის ფაზის დაწყების მიზნით.

წინამდებარე ხელშეკრულება ძალაში შედის მხარეთა მიერ ამ ხელშეკრულების ხელმოწერის მომენტიდან.

ხელმოწერები:



## საქართველოს მთავრობის ბანკარგულეა


№1055 2015 წლის 25 მაისი ქ. თბილისი

საქართველოს მთავრობას, შპს „გოტა 21-ს“, სს „ელექტროენერგეტიკული სისტემის კომერციულ ოპერატორს“, სს „საქართველოს სახელმწიფო ელექტროსისტემას“, სს „გეს საქრუსენერგოს“ და შპს „ენერგოტრანსს“ შორის დასადები ურთიერთგაგების მემორანდუმის თაობაზე

1. მოწონებულ იქნეს, საქართველოს მთავრობას, შპს „გოტა 21-ს“, სს „ელექტროენერგეტიკული სისტემის კომერციულ ოპერატორს“, სს „საქართველოს სახელმწიფო ელექტროსისტემას“, სს „გეს საქრუსენერგოს“ და შპს „ენერგოტრანსს“ შორის დასადები, ურთიერთგაგების მემორანდუმის პროექტი.

2. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27-ე მუხლის შესაბამისად, ურთიერთგაგების მემორანდუმს, საქართველოს მთავრობის სახელით, ხელი მოაწეროს საქართველოს ენერგეტიკის მინისტრმა, კახა კალამემ.

პრემიერ-მინისტრი *ჩ.*



ირაკლი ღარიბაშვილი





5074  
11 03 14  
7

## საქართველოს მთავრობის განკარგულება

N 1561 2014 წლის 10 სექტემბერი ქ. თბილისი


კახეთის რეგიონში, „სტორი 1-ის“ ჰიდროელექტროსადგურის მშენებლობის ტექნიკურ-ეკონომიკური შესწავლის, მშენებლობის, ფლობის და ოპერირების შესახებ ინტერესთა გამოხატვაში გამარჯვებული პირის გამოვლენის თაობაზე

1. საქართველოს მთავრობის 2013 წლის 21 აგვისტოს №214 დადგენილებით დამტკიცებული „საქართველოში ელექტროსადგურების მშენებლობის ტექნიკურ-ეკონომიკური შესწავლის, მშენებლობის, ფლობის და ოპერირების შესახებ ინტერესთა გამოხატვის წესის“ მე-6 მუხლის შესაბამისად, კახეთის რეგიონში, „სტორი 1-ის“ ჰიდროელექტროსადგურის მშენებლობის ტექნიკურ-ეკონომიკური შესწავლის, მშენებლობის, ფლობის და ოპერირების შესახებ ინტერესთა გამოხატვაში გამარჯვებულად გამოვლინდეს შპს „გოტა 21“.

2. საქართველოს ენერგეტიკის სამინისტრომ უზრუნველყოს ინტერესთა გამოხატვაში გამარჯვებულ პირთან გასაფორმებელი ურთიერთგაგების მემორანდუმის პროექტის საქართველოს მთავრობის სხდომაზე განსახილველად წარმოდგენა.

პრემიერ-მინისტრი

ი.



ირაკლი ღარიბაშვილი



საქართველოს იუსტიციის სამინისტრო  
MINISTRY OF JUSTICE OF GEORGIA



KA01011425251381

საქართველო, ქ. თბილისი, 0114, გორგასლის ქ.24 ა. ტელ.: 2 40-51-48, 2 40-58-36, ელ.ფოსტა info@justice.gov.ge  
24 a, Gorgasali str., 0114, Tbilisi, Tel.: 2 40-51-48, 2 40-58-36, E-MAIL: info@justice.gov.ge

№2675

06 / აპრილი / 2015 წ

საქართველოს ენერგეტიკი  
მინისტრის მოადგილე  
ბატონ ირაკლი ხმალამე

ბატონო ირაკლი,

საქართველოს იუსტიციის სამინისტრომ განიხილა თქვენ მიერ 2015 წლის 30 აპრილის №04/1167 წერილიც წარმოდგენილი საქართველოს მთავრობას, შპს „გოტა 21“-ს, სს „საქართველოს სახელმწიფო ელექტროსისტემას სს „გეს საქრუსენერგოს“, შპს „ენერგოტრანსს“ და სს „ელექტროენერგეტიკული სისტემის კომერციულ ოპერატორს“ შორის დასადები ურთიერთგაგების მემორანდუმის პროექტი, რომელთან დაკავშირებითა გაცნობებთ, რომ სამართლებრივი ხასიათის შენიშვნები არ გვაქვს.

პატივისცემით,

გ. დიმიტრაძე

მინისტრის მოადგილე

გოჩა ლორთქიფანიძე

17/04/2015

N 247

247-01-2-201504171805



## საქართველოს ენერგეტიკის სამინისტროს

თქვენი 2015 წლის 30 მარტის #04/1166 წერილის პასუხად მოგახსენებთ, რომ შპს "ენერგოტრანსმა" განიხილა საქართველოს მთავრობას, შპს „გოტა 21“-ს, სს „საქართველოს სახელმწიფო ელექტროსისტემას“, სს „გეს საქრუსენერგოს“, შპს „ენერგოტრანსს“ და სს „ელექტროენერგეტიკული სისტემის კომერციულ ოპერატორს“ შორის დასადები ურთიერთგაგების მემორანდუმის პროექტი. ამასთან, გაცნობებთ, რომ შპს "ენერგოტრანსს" თავისი კომპეტენციის ფარგლებში წარმოდენილი მემორანდუმის პროექტთან დაკავშირებით შენიშვნები არ აქვს.

პატივისცემით,  
კახა სეხნიაშვილი



დირექტორი



1726-09-2-201504201006

N 1726/09

20/04/2015

## საქართველოს ენერგეტიკის სამინისტროს

სს „საქართველოს სახელმწიფო ელექტროსისტემა“ განიხილა თქვენი 30.03.2015წ. N04/1166 წერილით წარმოდგენილი საქართველოს მთავრობას, სს „საქართველოს სახელმწიფო ელექტროსისტემას“, სს „გეს საქრუსენერგოს“, შპს „ენერგოტრანსს“, სს „ელექტროენერგეტიკული სისტემის კომერციულ ოპერატორს“ და შპს „გოტა 21“-ს შორის დასადები ურთიერთგაგების მემორანდუმის პროექტი, რომელთან დაკავშირებითაც გაცნობებთ შემდეგს:

1. პროექტის 1.18 ქვეპუნქტის „ა“ ქვეპუნქტში მიზანშეწონილია უფრო ნათლად ჩანდეს, რომ დისპეტჩერიზაციისა და გადაცემის ლიცენზიატები „მიიღე ან გადაიხადე პრინციპის“ შესაბამისად კომპანიას უხდიან კომპენსაციას გადაცემისა და დისპეტჩერიზაციის ხელშეკრულებით გათვალისწინებულ შემთხვევებში და წესით. შესაბამისად, გთავაზობთ ხსენებული „ა“ ქვეპუნქტის ბოლო წინადადება ჩამოყალიბდეს შემდეგი რედაქციით:

„იმ შემთხვევაში, თუ „სსე“, „საქრუსენერგო“ ან/და „ენერგოტრანსი“ საკუთარი ბრალით კომპანიას სრულად ვერ უზრუნველყოფენ ზემოაღნიშნული მომსახურებით, დამრღვევი მხარე ვალდებულია აუნაზღაუროს კომპანიას ამის შედეგად მიუღებელი შემოსავალი გადაცემისა და დისპეტჩერიზაციის ხელშეკრულებით განსაზღვრული პირობებითა და შემთხვევებში“.

2. ელექტროსადგურის მშენებლობასთან ერთად, უნდა მოხდეს მისი დადგენილი წესით მიერთება გადამცემ ქსელთან. შესაბამისად, საჭიროა ერთმნიშვნელოვნად განისაზღვროს თუ ვინ უზრუნველყოფს (ფინანსურად) ენერგეტიკულ ქსელში ჩართვისათვის აუცილებელი ინფრასტრუქტურის შექმნას. იმის გათვალისწინებით, რომ სს „საქართველოს სახელმწიფო ელექტროსისტემის“ მიერ გაწეულ მომსახურებაზე დადგენილი ტარიფები არ ითვალისწინებს და ამ ეტაპისთვის სრულად არ ფარავს არათუ ახალ, არამედ აქმადე არსებული პროექტების ხარჯებსაც, მიზანშეწონილად მიგვაჩნია ნათლად მიეთითოს, რომ ენერგეტიკულ ქსელში ჩართვის ხარჯები სრულად ეკისრება კომპანიას. აქედან გამომდინარე, გთავაზობთ პროექტის 8.3. პუნქტის შემდეგ რედაქციას:

„8.3. ააშენოს ელექტროსადგური მემორანდუმით განსაზღვრული ელექტროსადგურის ტექნიკური პარამეტრების ფარგლებში და უზრუნველყოს მისი გადამცემ ქსელთან მიერთების ხარჯების დაფარვა და ექსპლუატაციაში მიღება მემორანდუმის დანართი N3-ით განსაზღვრულ ვადაში, საქართველოს კანონმდებლობით განსაზღვრული მოთხოვნების შესაბამისად.“

3. პროექტის 9.4 პუნქტის „ბ“ ქვეპუნქტში მე-14 მუხლზე მითითება უნდა შეიცვალოს მე-15 მუხლზე მითითებით, რომელიც არეგულირებს მთავრობის მიერ მემორანდუმის შეწყვეტის საკითხს.

4. პროექტის მე-11 მუხლში განსაზღვრულია „ესკო“-სთან გაფორმებული ელექტროენერჯის გარანტირებული შესყიდვის ხელშეკრულების შესაბამისად ელექტროენერჯის რეალიზაციის ტარიფი. მიზანშეწონილია დაკონკრეტდეს, რომ აღნიშნული ტარიფი წარმოადგენს თითოეული კილოვატ საათისთვის გადასახდელ თანხას.

5. პროექტის მე-14 პუნქტში მიზანშეწონილია დამატებით დაკონკრეტდეს, რომ ექსპორტის მიზნით დისპეტჩერიზაცია-გადაცემის მომსახურებით უზრუნველყოფა 10 წლის განმავლობაში ხდება თითოეული ასეთი წლის მხოლოდ იმ პერიოდში, რა პერიოდშიც დაშვებულია ექსპორტი მემორანდუმის მე-11 მუხლის შესაბამისად.


6. პროექტის 15.4 პუნქტში მე-4 მუხლზე მითითება უნდა შეიცვალოს მე-6 მუხლზე მითითებით. ამასთან, მიზანშეწონილია ჩამოყალიბდეს შემდეგი რედაქციით:

„15.4. მთავრობის მიერ მემორანდუმის მე-6 მუხლის შესაბამისად დადებითი გადაწყვეტილების მიღების მიუხედავად, ამავე მუხლით დადგენილ ვადაში ხელი არ მოეწერა ხელშეკრულებას“.

7. იმის გათვალისწინებით რომ მემორანდუმის ხელმოწერი ექვსი მხარეა, პროექტის 23-ე მუხლში ფორმულირება „ორივე მხარის გონივრული კონტროლის მიღმა“ უნდა შეიცვალოს შემდეგით: „მხარეების გონივრული კონტროლის მიღმა“.

პატივისცემით,

სულხან ზუმბურიძე



მმართველთა საბჭოს თავმჯდომარე


რეაბილიტაციის მმართველი

# საქრუსენერგო

სს გაერთიანებული ენერჯეტიკული სისტემა

## SAKRUSENERGO

JSC UNITED ENERGY SYSTEM



N 10/245  
21/04/2015

245-10-2-201504211320



### საქართველოს ენერჯეტიკის სამინისტროს

2015 წლის 30 მარტის #04/1166 წერილის პასუხად გაცნობებთ, რომ გავეცანით საქართველოს მთავრობას, შპს „გოტა 21“-ს, სს „საქართველოს სახელმწიფო ელექტროსისტემას“, შპს „ენერგოტრანსს“, სს გაერთიანებული ენერჯეტიკული სისტემა „საქრუსენერგოს“ და სს „ელექტროენერჯეტიკული სისტემის კომერციულ ოპერატორს“ შორის გასაფორმებელი ურთიერთგაგების მემორანდუმის პროექტს, რომელთან დაკავშირებითაც მოგახსენებთ შემდეგს:

განსახილველი ურთიერთგაგების მემორანდუმის შესაბამისად, გადაცემისა და დისპეტჩერიზაციის ხელშეკრულება, რომელიც გაფორმდება ერთი მხრივ სს „საქართველოს სახელმწიფო ელექტროსისტემას“, შპს „ენერგოტრანსს“, სს გაერთიანებული ენერჯეტიკული სისტემა „საქრუსენერგოს“ და მეორეს მხრივ კომპანიას შორის, იქნება დაფუძნებული „მიიღე ან გადაიხადე პრინციპზე“. გადაცემის ლიცენზიატების ინტერესების გათვალისწინებით, მიზანშეწონილად მიგვაჩნია ურთიერთგაგების მემორანდუმის 1.18 მუხლის „ა“ ქვეპუნქტი ჩამოყალიბდეს შემდეგნაირად:

„ა) „სსე“, „საქრუსენერგო“ და „ენერგოტრანსი“ თავიანთი კომპეტენციის ფარგლებში კომპანიას უზრუნველყოფენ საჭირო დისპეტჩერიზაციისა და გადაცემის მომსახურებით, ხოლო „ენერგოტრანსი“ დამატებით უზრუნველყოფს კომპანიას გამტარუნარიანობის საჭირო მოცულობით „ახალციხე-ბორჯხა“-ს ელექტროგადამცემი ხაზის მის კუთვნილ ნაწილზე ელექტროსადგურის მიერ გამომუშავებული ელექტროენერჯის თურქეთის საზღვრამდე გადაცემისათვის ელექტროსადგურის ექსპლუატაციაში მიღებიდან 10 (ათი) წლის განმავლობაში ექსპორტის მიზნით. იმ შემთხვევაში, თუ „სსე“, „საქრუსენერგო“ და „ენერგოტრანსი“ კომპანიას ვერ უზრუნველყოფენ ზემოაღნიშნული მომსახურებით, დამრღვევი მხარე ვალდებულია გადაცემისა და დისპეტჩერიზაციის ხელშეკრულების შესაბამისად, აუნაზღაუროს კომპანიას ამის შედეგად მიუღებელი შემოსავალი, რომლის ოდენობა განისაზღვრება გადაცემისა და დისპეტჩერიზაციის ხელშეკრულებით, და:“


აგრეთვე, მიზანშეწონილად მიგვაჩნია ურთიერთგაგების მემორანდუმის 1.18 მუხლის „ბ“ ქვეპუნქტი ჩამოყალიბდეს შემდეგნაირად:

„ბ) კომპანია ვალდებულია „სსე“-ს, „საქრუსენერგოსა“ და „ენერგოტრანს“ გადაუხადოს ზემოაღნიშნული მომსახურებისათვის განსაზღვრული თანხა, იმ შემთხვევაშიც, თუ კომპანია გამოიყენებს ნაკლები მოცულობის მომსახურებას, გარდა გადაცემისა და დისპეტჩერიზაციის ხელშეკრულებით გათვალისწინებული გამონაკლისებისა.“


პატივისცემით,

რომეო მიქაუტაძე

გენერალური დირექტორი







ელექტროენერგეტიკული ბაზრის ოპერატორი  
Electricity Market Operator

საქართველო, თბილისი, 0114, ბარათაშვილის ქ. 2  
ტელეფონი: 2401420; ფაქსი: 2601915

2 Baratashvili Str., 0114 Tbilisi, Georgia  
Phone: +995 32 2401420; Fax: +995 32 2601915

№ 01/350

3 04 2016.



თანხმობა ხელმოსაწერი  
ურთიერთგაგების მემორანდუმის  
პროექტზე

საქართველოს ენერგეტიკის მინისტრის  
მოადგილეს ბატონ ირაკლი ხმაღაძეს

ბატონო ირაკლი,

საქართველოს ენერგეტიკის სამინისტროს 2015 წლის 30 მარტის #04/1166 წერილის პასუხად გაცნობებთ, რომ ბაზრის ოპერატორმა განიხილა საქართველოს მთავრობას, შპს „გოტა 21“-ს, სს „საქართველოს სახელმწიფო ელექტროსისტემას“, სს „გეს საქრუსენერგოს“, შპს „ენერგოტრანსს“ და სს „ელექტროენერგეტიკული სისტემის კომერციულ ოპერატორს“ შორის დასადები ურთიერთგაგების მემორანდუმის პროექტი (პესი: სტორი 1), რომელთან დაკავშირებითაც შენიშვნები არ გაგვაჩნია.

პატივისცემით,  
გენერალური დირექტორი

ვ. ამბოკაძე

OFFICE@ESCO.GE · WWW.ESCO.GE

სს „ელექტროენერგეტიკული სისტემის კომერციული ოპერატორი“  
რეგისტრირებულია ქ. თბილისის სეგვასახალო ინსპექციის მიერ 07.08.2006; საიდ. კოდი 205170036

ELECTRICITY SYSTEM COMMERCIAL OPERATOR JSC  
Registered by Tbilisi Tax Inspectorate on 07.08.2006; ID CODE 205170036



04 3707  
07 14

03.07.14

Bank Guarantee №BCMP0211/030714

**Name of the Winning Participant:** "Gota 21" LTD, ID No.401963791  
**Issuance Date:** 03 July 2014  
**Beneficiary:** Government of Georgia  
**Principal:** "Gota 21" LTD, ID No.401963791  
**Guarantee amount:** 70,000 (seventy thousand US Dollars only) US Dollars  
**Guarantor:** JSC VTB Bank Georgia, 14 G.Chanturia street, 0114 Tbilisi, Georgia, ID No.202906427  
**Validation time:** 05 September 2016

We were informed that "Gota 21" LTD, ID No.401963791 (hereinafter the "Principal" ) has submitted investment application for the construction, ownership and operation of "Story 1" Hydro Power Plant in Georgia, Kakheti Region (the Application). In accordance with regulations, the Principal has to present bank guarantee ensuring fulfillment of its obligations under the above mentioned Application and the Memorandum of Understanding (the MOU) to be signed between Principal and the Beneficiary. We, JSC VTB Bank Georgia, 14 G.Chanturia Street, 0114 Tbilisi, Georgia, (hereinafter the "Guarantor"), hereby unconditionally and irrevocably undertake to pay you any sums up to a maximum amount of 70,000 (seventy thousand US Dollars only) US Dollars, in connection with the Principal's obligations under the Application and MOU and in accordance with the following:

- We shall pay you immediately upon your first written demand and irrespective of any objection by the Principal or any other party such amount or amounts as you may demand up to the Maximum Amount 70,000 (seventy thousand US Dollars only) US Dollars
- All payments made based on your demand shall be free and clear of, and without any present or future deduction or with holding for payment of, any taxes, levies, duties, charges or fees of any nature whatsoever and by whomsoever imposed;
- The undertakings contained in this guarantee constitute direct and fundamental obligations of ours and are unconditional and irrevocable. We shall not be excused from any or all of these obligations for any reason or reasons of whatever nature or source, such as change in the conditions of the contract or extension thereof or change in the scope or nature of work to be performed, or any omission or act by you or by a third party which would excuse or discharge us from the obligations and liabilities stated in this guarantee;
- This guarantee shall remain valid and in full force and effect up to the end of the day 5 September 2016 and expires full and automatically, should your original written request for payment not be in our possession at our above mentioned address on or before that date;
- Your demand of payment must be sent to our above mentioned address in the written form, duly signed by authorized person on the title paper. Demand of payment must be accompanied the certification of the authority of the signatory;

Our guarantee will be reduced by each payment made by us as a result of a claim. This guarantee will be governed by Georgian Law. place of Jurisdiction is Tbilisi.

Corporative Business Director  
 Vladimir Robakidze



სს "ვითიბი ბანკი ჯორჯია"  
 საქართველო 0114  
 თბილისი  
 გ. ქანტურობის ქ. 14

ტელეფონი  
 +(995) 32 224-24-24  
 ფაქსი:  
 +(995) 32 293-32-91

SWIFT: UGEBGE22  
 E-mail: info@vtb.ge

4796 copyrite © P.P.